

Ruuttijärvi ortn. Tärendö sn, Nb 1.

lehmän heinä parhaala aijala. Haukijärven kaivoksen alle se teki viis lehmän heinää, ko se kaivo ojia ja johatti järviveen Haukivuoman päälle. Ruuttijärvessä oli viien lehmän heinä, jonka se kaivo kolmanella osala toisten taloin kans. Latoja se kans rakensi näille uusile niityile.

Se Juno-Juntti oli myöski rakentannu sen Juntin ison pykinkin. Siihen se oli kaikki hirret ja muukki rakenuspuut laskenu yhelä kertaa lauttassa ylempää Junosuanon kyllää Junojoen suusta. Se oli semmonen hevosten kans ja oli ottanu usseita miehiä avuksi hakkaamhaan ja sitomhaan lauthaan. Siitä Junojosta, joka oli hyvä savipaikka, se oli ottanu muurisavekki lauttan päälle. Kaikki muurikivet se oli ottanu alastullessa Kotasen pahasta Täränön väylän varresta. Siinä, jossa oon semmonen pehmeä kivensortti, ette sitä saattaa veistää kirhveelä.

Johan Lantto, Juntin talo.. s.46